

Алнаш Колхозник

ВКП(б)-лэн Алнаш
райкомезлэн но
райисполкомлэн
органы

ВЛКСМ ЦК-лэн плену- мезлэсь пуктэмзэ быдэстоно

ВЛКСМ-лэн Удмуртской Обкомезлэн ортчэм пленумез ВЛКСМ ЦК-лэн пленумезлэсь комсомол организациосты Совет'есы быр'ён'ёслы дасян но комсомолын политико-воспитательной ужлэн тырмымтэ интыосыз сярысь решенизэ обшуждать кариз. ВКП(б) ЦК-лэн Пленумезлэн решениосыныз но Сталин эшлэн докладныз но заключительной кылыныз руководством карыса, ВЛКСМ ЦК-лэн но Обкомлэн пленум'ессы асьсэлэн решениосазы Совет'есы быр'ён'ёслы дасьясконэн валче комсомол азын сыйлысь основной задачаез определить каризы.

Виль Сталинской Конституциез кутэмен валче кунлэн улоназ луэм политической поворот комсомол азе эшшо но сложной но ответственной уж'ес пуктэ. Комсомол дась луыны кулэ вань егит'ёслэсь политической жутсконзэс возглавить карыны. Комсомоллы большевизмен овладеть кароно. Ассэ но вань несоюзной егит'ёсты Совет'есы быр'ён'ёслы дасяно, соосты тушмон'ёсыз распознавать карыны дышетано, куд'ёсыз (тушмон'ёс) быр'ён'ёсты асьсэ целе использоватьны выро.

ВЛКСМ ЦК-лэн пленумез нырысь ик комсомолын ужэз вылдыны куэре. „Совет'есы вуоно быр'ён'ёсын егит'ёсты возглавить карон понна, — шуэ Косарев эш, — ленинской комсомолын ачиз полын строго соблюдаться луыны кулэ внутрисоюзной демократия, быдэсак соблюдаться луыны кулэ ВЛКСМ-лэн уставез“.

Кызы быдэсясько та указаниос асьме районьсь комсомольской организациосын? Внутрисоюзной демократиз нарушати карон но ВЛКСМ-лэсь уставзэ тьян факт'ес тырос. Демократической централизм райкомол бордысен кутскыса ик уг быдэсяськы. Выборностез кооптации вош'яло. ВЛКСМ райкомлэн бюреозлэн член'ёсыз полысь кык мурт гинэ быр'емез вань, мукет'ёсыз кооптироват'эмын, соос полын ик райкомоллэн секретарез Сметанин эш но кооптироватьт'эмын. Секретар'ес комсомольской организациосысь кошкыкузы асьсэлен ужамзы сярысь отчитываться уг коро. Асан техникумысь комсомольской комитетлэн секретарез Нелюбин организациосысь кошкык но отчитываться оз кары. Озы ик Голюшурма заводусь комсомольской комитетлэн секретарез но Подмогаева эш отчет оз лэсты. Тае факт'ес колхоз'ёсысь комсомольской

организациосын но вань. „Коминтерн“ колхозысь комсомольской организациилэн комсоргез кык: одигез быр'емын, мукетэз назначить каремын.

Районьсь комсомольской организациын критика но самокритика развивать каремын овол. Райкомоллэн секретарез Сметанин эш критикаез азинтон понна уг сюлмастькы. Райкомоллэн отдел'ёсыз ляб ужало, соосты юн критика улэ басьтыса уез выльдоно вал, нош Сметанин эш соосты критиковатьтыны уг дйсты, озы ик сое но критиковать уг каро.

Пропагандистской уж ляб пуктэмын. Организовать карем 57 политшколаос полысь 35-ез уг ужало. Семьнар'ес ортчыт'ян уж умоыт'э. 30 мурт одиночкакомсомолец'ес одигез но политшколаын уг дышетско. Районьсь 75 колхоз'ёсын комсомольской организациос чик овол на. Райкомол бюро членэ кандидат'еслы Брытков но Яковлев эш'ёслы колхоз'ёсын политучеба орчтыт'яны поручение сётэмын, соос нош занятия уг орчтыт'яло. Тае уж райкомолын ужасьяслэсь беспечностьсэс возматэ.

Классовой тушмон куд-ог интыосын аслыз инты шедьтэ, школаосы, комсомольской организациосы чуртнаське, аслэстыз контрреволюционной идеяоссэ пыртыны выре. Первичной комсомольской организациос котьку ик уг быгато на замаскироваться карем тушмонез шараяны но сое разоблачить карыны.

ВЛКСМ ЦК-лэн пленумез 15-ти июнысен комсомольской орган'есты быр'ён'ёс орчтытыны коиз но комсомольской орган'есты тайной (закрытой) быр'ён'ёслы порядок тупатиз. Али первичной комсомольской организациосын ВКП(б) ЦК-лэн Пленумезлэсь итог'ессэ обшуждать карыса, закрытой комсомольской собрания орчтыт'ясько. Та собраниясын комсомоллы критикаез но самокритикаез паськыт, большевистски вольмотоно, комсомольской орган'есты быр'ён'ёслы умой дасьяскон кылдытоно. Комсомолец'ёслы ужысь тырмымтэ интыосты ваньзэ шараяно.

ВЛКСМ ЦК-лэн пленумезлэсь пуктэм'ессэ быдэстыны партийной организациос комсомоллы юрттоно луо, комсомольской организациос егит массаосын герзаськыса ужанзэс мед паськытатозы но идейно-политической уез умоятон организовать кароно.

ПОЛИТИКО-ВОСПИТАТЕЛЬНОЙ УЖ ЛЯБ ПУКТЭМЫН

Голюшурма МТС-ысь комсомольской организациын политико-воспитательной уж ляб пуктэмын. Комитетлэн секретарез **Бутолин К.** комсомоллэн программаез но уставез сярысь тыпак вунэтэм. Кооптация но, бюрократической централизм но, комсомолын кадр'ес овол шуса кесьяскон но, чванство но — ваньмыз солэн ужан практикаез.

Организациын 38 комсомолец'ес лыд'ясько, соос полысь учетной карточказы 12-ээлэн сяна овол. Мокрушин механиклэн личной делоз но райкомолын овол, учетной карточкаез но овол, нош со комсомольской комитетлэн членез луэм, со ик вить толэзь чоже членской взноссэ тырытэк улэм.

„Мон 1935-ти арысен комсомолын лыд'яськисько, — шуэ тракторист Баранов, — комсомольской билетэ овол, членской взнос ой тыры, мады ке шуйд, комитетлэн секретарез Бутолин мынэстым куремме оз быдэсты, взнос оз бича.“

Комитетлэн член'ёсыз уно дырзэс аппаратын пукыса орчтыто, комсомолец'ес полын политико-воспитательной уж уг нуо. **Ку-**

перман эш, со ик комсомольской пропагандист, одиг тракторной бригадаосы но оз пота на. Комитетчик'ес уг тодо асьсэлэсь комсомолец'ессэс. Комитетлэн секретарез Бутолин союзын сылымтэ егит'ёсты но комсомолец шуса списокез пыртэ.

Комсомолец'ес полын политической учеба уг мыны. Ингуловлэн учебникеныз 2 тема орчизы но дышетскемысь дугдызы. Тае сезонностез пропагандист Курперман эш тазы валэктыны выре, что комсомолец'ес, пе, бригадаосын пазьяськемын но соин политучеба нуыны уг луы.

Политико-воспитательной, культурно-массовой уж нуымтэен, куд-огез комсомолец'ес бытовой разложиться карыны кутскызы. Комсомолец, МТС-лэн счетоводз **Смирнов** вискарытэк юэ но групповой юон'ес кылдыт'я. Тракторной бригадалэсь бригадирэ воштысь **Огарев** нош аслэстыз комсомольской билетэс автомашинаын мынэм понназ кыче ке шоферлы сэтэм, шоферез со бере оз ни адзы, билетэз но овол. Озы со комсомольской билетэс вуаз.

Тракторной бригадаосты культурно обслуживать карон уж кылдыт'э. Вань бригадаос понна 1 гитара но 2 балалайкаос сяна овол. Шахмат'ес, шашкаос, домино овол, газет'есты дыраз уг вуто. Соин ик угось 17-ти отрядын газет но журнал'ес интые кык евангелие но гердовской песенник шараямын вал.

Вань та безобразно сярись райкомол тодиз ке но, комсомолец'ес-тракторист'ес но союзын сылымтэ егит'ес полын политиковоспитательной уез умоятон понна ужрад'ес оз куты. Райкомолысь ужасьсэ тракторной бригадаосын — шер куюос. Тани ма вера 11-ти комсомольской отрядлэн бригадирез Шлыков эш:

— Тулыс кизён дыр'я милям отрядамы райкомоллэн секретарез Сметанин эш ветлиз, Сталин эшлэсь ВКП(б) ЦК-лэн Пленумаз верам докладзэ милемлы валэкто со шуиз. Смена бырем бере ми люкаським, нош Сметанин сётэм кылзэ оз быдэсты, беседа орчтыны оз лыкты ни.

Тяни озы „ужа“ райкомол комсомолец-тракторист'ес полын.

С. Орлов.

Егит'ёслэн значок нуллэмзы потэ

Милям Туташево сельсоветысь „Спартак“ колхозын 28 мурт егит'ес но одигез но нокыче значок уг нулло. Соос пушкын ик 12 мурт комсомолец'ес но допризывник'ес. Колхоз егит'ес полын агитмассовой уж нуымтэен но физкультурно-спортивной уез организоват'ыт'эен значок'еслы норма сётон уг мыны. Егит'ёслэн ГТО, ГСО, ПВХО но Ворошиловской стрелок значок'еслы норма сётны мылкыдзы вань, нош райкомол но райСФК соослы уг юртто.

А. Голубков.

Егит'ес выступ- лениос дасяло

Физкультура колхозной егит'еслы гургын яратоно спорт луиз. „Социализм“ но „Валче кужым“ колхозысь комсомольской организациос „Гырэн быдон“ праздыкы 4 сборной волейбольной командаос дасяло. Командаослэн капитан'ессы Калаев но Киришин командаосты вань правилаос'я шудыны дышетто. Со сяна та колхоз'ёсын ик егит ныл'еслэн кивалтэмзы калык кыръян'есты дасяло. Кружокен кивалто комсомолец Никитин („Социализм“), Киришин („Валче кужым“).

Е. Зайков.

Пинал'еслы культур- ной отдых кылдыто

Вань школаосын ик занятияос быро ни. Пинал'ес школа класс'есысь кыре потозы, чыдэтскозы. Вуоно дышетскон арлы выль кужым'ес люкалозы. Партия но правительство пинал'еслы туж бадзым саклык вис'яло. Соослы клуб'ес, дворец'ес, умоесь лагер'ес но мукет культурной чыдэтскон интыос сётисько. Али пинал'ес лагер'ёсы мынозы.

Кызы бен дасьясько асьме районной организациос но колхоз'ес пинал'еслы лагерной сбор'ес орчтытыны? Туж ляб. Ваньмыз уг тунсык'ясько соост ажен. Лагер'ёсты коньдонэ обеспечить карон сярысь 27-ти мае райисполкомын совещание орчиз, отчы организациосын но учреждениясын кивалтись'ес, местком'еслэн председател'ессы ветлизы. Ма бен шараяськыз? Дасьяськон уж борды ваньмыз оз кутске на. Попов (лесхоз), Матвеев (райздрав) эш'ес 300-500 манет коньдон вис'язы ни. Нош сыче кивалтись'ес но вань, куд'ёсыз пинал'есты воспитать карон уж шоры кырыж учко.

З. Чернова.

Милям правленимы уг юртты

Милям „Горд бизара“ колхоз правление кемалэсь ни егит'еслы физкультурно-спортивной инвентарь (волейбол, футбол но му-

кетсэ) бастом шуса вазиськиз. Со дырысь уно дыр ке но оргчиз ни, правление вазиськемзэ оз быдэсты на. **И. Головков.**

